



ACCIDENT COMPENSATION CORPORATION
FAALAPOTOPOTOGA O TAUI MO FAALAVELAVE FAAFUASEI



**Itu Tino toe
Faaleleia**

RIPOTI FAALETAUSAGA

2015



**FAALAPOTOPOTOGA O TAUI MO FAALAVELAVE FAAFUASEI
ACCIDENT COMPENSATION CORPORATION**

RIPOTI FAALETAUSAGA 2015

**Fogafale 5, Maota o le ACC, Apia Samoa
Telefoni: [685] 23100 Fax: [685] 23912
Pusa Meli: 3700
Upegatafailagi: www.acc.gov.ws**

FAÁSOLOGA O MATAUPU

1.0	Tusi a le Minisita i le Palemene	3
2.0	Ripoti a le Ta'ita'ifono	4
2.1	Faatinogao Galuega a le Faalapotopotoga	4
2.2	Matati'a Ausia e Aoga mo Galuega Fuafuaina	5
2.3	Galuega Fuafuaina mo le isi Tausaga Faaletupe	6
2.4	Auaunaga i le Mamalu o le Atunuu	7
3.0	Ripoti a le Pule Sili	8
3.1	Galuega o le Tausaga ua Faaiuina i le Aso 30 Iuni 2015	9
3.2	Faatinoga o Tulaga Tau Tupe	11
3.3	Lu'itau sa Feagai ma le Galuega	14
4.0	Tala o le Tupe 2014 - 2015	

1.0 Tusi a le Minisita i le Palemene



OFISA O LE MINISITA O FAALAPOTOPOTOGA A LE MALO

MATAGALUEGA O PISINISI, ALAMANUIA MA LEIPA, MATAGALUEGA O FAALAPOTOPOTOGA A LE MALO, FAALAPOTOPOTOGA O FANUA O SAMOA, OFISA O LE SU'ETUSI, FAALAPOTOPOTOGA O FALE O SAMOA, FAALAPOTOPOTOGA O TAU MO FAALAVELAVE FAAFUASEI, OFISA O FUAINUMERA FAAMAUINA, PULEGA O TAALOGA A SAMOA, OFISA O LE POLENISIA.

1 Me 2018

Afioga Leaupepe T. Toleafoa Faafisi
Fofoga o le Fono
Ofisa o le Fono a Samoa
MULINUU

Afioga i le Fofoga o le Fono,

Mataupu: **RIPOTI FAA-LE-TAUSAGA A LE FA'ALAPOTOPOTOGA 2015**

E ia te a'u le ava ma le fa'aaloalo e tatau ai e tu'uina atu ai lenei ripoti fa'a-le-tausaga a le Fa'alapotopotoga o Tau mo Fa'alavelave Fa'afuase'i 2014-2015, o ana matafaioi ma auunaga sa faatautaia ma faaiuina i le aso 30 Iuni 2015 faatasi ai ma ana tala o le tupe ua mae'a faamaonia e le Su'e tusi.

O lenei Ripoti Faa-le-tausaga ua tuuina atu e tusa ai ma le Vaega 8 o le Tulafono o Faalapotopotoga o Tau mo Faalavelave Faafuasei 1989 ma le Vaega 23 o le Tulafono o Faalapotopotoga a le Malo (Faatinoga o Galuega ma le mafai ona Tali atu) 2001.

Ma le faaaloalo,

Lautafi Fio Selafo Purcell

MINISITA O FA'ALAPOTOPOTOGA A LE MALO

2.0 Ripoti a le Ta'ita'ifono



O le Faalapotopotoga o Tau'i mo Faalavelave Faafuasei ("Faalapotopotoga") e auga uma lana vaaiga taula'i i le faalauiloaina o le saogalemu ma le puipua o tagata mai faalavelave faafuasei, toe faaleleia soifua o i latou ua manunu'a mai faalavelave faafuasei, ma le totogiina atu o tau'i mo tagata faigaluega ma ē olo'o fa'alagolago i le tagata faigaluega, ua mafatia i manu'aga po'o ua maluu ona o se faalavelave faafuasei o loo aiaia i le tulafono. O le alualu i luma o se tautua ma se auaunaga a se Faalapotopotoga o le ausia lea o le fa'amoemoe ma le sini o ana tulafono ma fa'ailoa atu ana matafaioi aua le manuia o le atunuu e pei ona aiaia i le Tulafono o Faalapotopotoga a le Malo

(Faatinoga o Galuega ma le Mafai ona Tali Atu) 2001.

O le tele o faalauiloa o le saogalemu i fale faigalulega ma luga o ala tetele e talitonu le agaga o mafuaaga ia o le faaitiitia o fa'alavelave fa'afuasei sa ripotia mai i lenei tausaga pe a fa'atusa i tausaga ua tuana'i. E ao ai pea ona fa'aaau le galulue fa'atasi ma a tatou paaga i le si'itia o tulaga o le saogalemu i fale faigalulega, o luga o auala, i taaloga faapea aiga. E ono (6) talosaga mo manu'aga tumau sa ripotia mai i le Faalapotopotoga i le Tausaga Faaletupe lenei 2014-2015 ma ua iai nei i lalo o le vaavaaiga o manu'aga toe faaleleia.

O tau'i mo faalavelave faafuasei o loo faatupeina uma e lafoga mai tagata faigaluega ma i latou e ana galuega faapea tupe maua mai penisini ma suauu i Samoa. Peitai o nisi tupe maua o tului lea mai faletupe, o tupe maua mai le au mau totogi i le maota o le Faalapotopotoga ma le maketi i Fugalei.

O lenei ripoti o loo faamaioio ai galuega ausia e pei o le aofai o aseta ua oo iai, o le pasene o tupe maua ua sili atu nai lo le fitu pasene (7%) faatulagaina a le Malo, o auaunaga i le mamalu o le atunuu sa faatautaia e le Faalapotopotoga e pei o le CT scan mo le Auaunaga o Soifua Maloloina, o fesoasoani tau tupe i le Pulega o Tineimu, o le Matagaluega o Leoleo, faapea Pulega o Felauaigai le Laueleele. E faaopoopo atu ai i lenei le auaunaga i le Maketi Fugalei mo le au faifaatoaga ma nisi o fai pisinisi laiti.

O se faamatalaga pu'upu'u lea o galuega ausia ma ona fa'atinoga mo lenei tausaga faaletupe.

2.1 Faatinoga o Galuega a le Faalapotopotoga o Tau'i mo Faalavelave Faafuasei ("Faalapotopotoga")

2.1.1 Faavae Faaletulafono

O loo faagaioiina galuega a le Faalapotopotoga i luga o ta'iala o tulafono e pei ona taua i lalo:

- *Tulafono o Tau'i mo Faalavelave Faafuasei* 1989
O loo aiaia ai le unaia o le saogalemu lautele, o le totogiina atu o tau'i, ma le faaleleia ma isi matafaioi autu a le Faalapotopotoga
- *Tulafono Toe Teuteu* 2003, 2009 ma le 2012
O loo toe siitia ai le lafoga aoina mai falefaigaluega ma tagata faigaluega, aemaise o le toe siitia o tau'i tuuina atu mo faalavelave faafuase'i ma le teu faafaigaluegaina o tupe
- *Tulafono o Faalapotopotoga a le Malo* (Faatinoga o Galuega ma le Mafai ona Tali Atu) 2001
O loo aiaia ai le faaleleia o le fa'atinoga o galuega ma le mafai ona tali atu.
- *Tulafono o le Pulega o Tupe a le Malo* 2001
O loo aiaia ai tiute tauave o le Faalapotopotoga e pei ona faaalua i lenei Tulafono mo le pulea lelei o Tupe a le Malo

2.1.2 Galuega Autu a le Faalapotopotoga:

- Unaia o le saogalemu e ala i le lagolagoina o polokalame o loo aga'i tonu i le unaia o le atunuu ina ia faaitiitia faalavelave faafuasei atoa foi ma le vaaia lelei o i latou ua aafia i manu'a tumau ina ia mautinoa lo latou mauaina o togafiti ma le toe faaleleia i se taimi vave atoa ai ma se tau talafeagai.
- Tuuina atu o tau i mo tagata faigaluega ua aafia i manu'aga mai faalavelave faafuasei faapea tagata faigaluega maliliu ae le'i aafia ini faalavelave faafuase'i, e tusa ai ma le Tulafono Toe Teuteu 2009 Vaega 68A.
- Tuuina atu o tau i ia i latou sa faalagolago i le tausiga i se tagata faigaluega ua maliliu i se faalavelave faafuasei atoa foi ma i latou sa faalagolago i isi tagata ua maliliu mafua mai i faalavelave faafuasei e aafia ai taavale afi ma vaa mo fela'uaiga;
- O le aoina mai o lafoga mai e ana galuega ma le aufaigaluega e ta'i tasi sene mai le tala faapea le lima sene i le kalone mai suauu ma penisini.

2.2 Galuega ausia e Aogā mo Galuega o loo Fuafuaina i le Lumana'i

O loo faailoa atu i lalo i lona tulaga aoao tetele faamatalaga taua o i latou na aafia i faalavelave faafuase'i e pei ona aiaia i le tulafono atoa foi ma faamatalaga tau tupe a le Faalapotopotoga mo le tausaga lenesi:

Faamaumauga o Tau i mo Faalavelave Faafuase'i:

- E 42 i latou sa aafia i taavale afi i le tausaga lenesi:
 - 33.3% ua maualalo ai nai lo le tausaga ua tuana'i
 - 8.7% ua maualalo ai pe a faatusatusa i le tausaga faaletupe 2011–2012 o loo faamauina ai le aofa'i aupito i maualalo e 46
 - O le tausaga aupito itiiti lenesi o faalavelave faafuase'i ua tutupu ai talu ona faavaeina le Faalapotopotoga
- E 108 i latou na aafia i faalavelave faafuase'i i luga o galuega mo lenesi tausaga
 - 4.9% ua maualuga ai nai lo le tausaga ua tuana'i e 103
 - O le tausaga lenesi ua toe siitia ai e ua aafia i faalavelave faafuase'i i luga o galuega pe a faatusatusa i le fa tausaga ua tuana'i.
- E 25 tagata faigaluega na aafia i faalavelave faafuase'i i tua atu o itula faigaluega masani.
 - 10.7% ua maualalo ai nai lo le tausaga ua tuana'i
 - 24.2% ua maualalo ai pe a faatusatusa i le tausaga 2011 – 2012 o loo maualuga ai faalavelave
 - Ua matauina o le tausaga lenesi ua maualalo faalavelave faafuase'i i tua atu o itula faigaluega pe a faatusatusa i le fa tausaga ua tuana'i.

O talosaga mo tau i sa tuuina mai i le Faalapotopotoga mo lenesi tausaga e 241 e 18.5% ua maualalo ai talosaga tuuina mai pe a faatusa i le tausaga ua tuana'i.

Faamaumauga Taua o Tala o Tupe:

Faamatalaga o loo tuuina atu ai le faaaogaina o tupe i le fa'atinoga o galuega taua o le polokalame faatusatusa i le tausaga ua tuana'i:

- O tupe faaalu i faiga tau tau i e \$1.2 miliona, tusa lea ma le 18% ua maualalo ai nai lo le aofaiga e \$1.46 miliona tala i le 2014.

- O le aofaiga atoa o tupe faaalu mo le tausaga lenei e \$5.15 miliona tala, tusa lea ma le 18% ua maua ai pe a faatusatusa i le \$4.37 miliona tala i le 2014.
- O le aofaiga atoa o tupe maua mo le tausaga lenei e \$16.4 miliona tala, e tusa lea ma le 7% ua maua ai nai lo le aofai aupito i maua talu le 2014.
- O le aofa'i o tupe maua faasili mo le tausaga lenei e \$10.69 miliona tala, e tusa lea ma le 1.81% ua maua ai nai lo le 2014.

Sa mafai ona ausia le pasene o tupe faasili a le Malo (rate of return) mai le 7% i le 9.13% i le tausaga faaletupe 2014 – 2015. O se matati'a ausia e taunio uma iai Faalapotopotoga a le Malo.

2.3 Galuega Fuafuaina mo le isi Tausaga Faaletupe

Faaauau le fa'atinoga o Matafaioi Autu

- Ia avea le Faalapotopotoga e faatonu folau i le faaititia o aafiaga o le soifuaga i aso uma atoa ma le tamaoaiga faapea ai ma aafiaga o le tino ona o manu'aga mai faalavelave faafuasei e aafia ai tagata faigaluega ma tagata o le atunuu mai faalavelave tau auala o femalagaaiga.

Faalautele le faalauiloa o le Saogalemu

- Ia taulamua i le una'ia o le saogalemu o le mamalu o le atunuu e ala lea i le fuafuaina ma le puleaina lelei o polokalame talafeagai ina ia vave toe faafo'isia i latou ua manunu'a i le olaga sa masani mai ai.
- Faamalosia le galulue ma paaga o loo faatinoina faalauiloa o le saogalemu e pei o le Matagaluega o Pisinisi, Alamanuia ma Leipa ("MCIL") o loo iai le tulafono o le saogalemu i totonu o falefaigaluega ma Faalapotopotoga, o Pulega o Femalagaaiga i le Laueleele ("LTA") o loo iai le tulafono o le saogalemu i luga o aualatele aemaise le Faalapotopotoga o Fuimu ("FESA") mo le fa'atinoga o le faalauiloa o le saogalemu i afioaga i tua.
- Taulamua i polokalame o faalauiloa o le saogalemu e a'oa'oina ai le fanau aoga ma o le a galulue ma le Matagaluega o Aoga mo le fa'atinoga o nei a'oa'oga.

Siitia le faiga o galuega e ala i le faaagaina o tekonolosi

- Faaleleia fesootaiga tau tekonolosi i le uaeaina o komepiuta, o telefoni ma mea pu'eata ina ia faalautele ai ma lelei fesootaiga ma sui fai saofaga a le Faalapotopotoga, ina ia faigofie na fesootai mai i latou ua lavevea i faalavelave faafuase'i.

Saili nisi metotia mo le Faafaigaluegaina o Tupe

- O le faaauau ona siitia o tupe faasili a le Faalapotopotoga ua alagatatau ai ona vaavaai i nisi auala talafeagai e teu faafaigaluega ai tupe faasili a le Faalapotopotoga, e maua ai se isi faaopoopoga o tupe faasili e faatumaui ai lava le malosi o Tupe maua a le Faalapotopotoga e tali atu ai i Faiga Tau Tau.

Siitia tulaga Aoaoina o leAufaigaluega mo le Faatinoga o Galuega

- Faataua le atina'e o tagata faigaluega i aoaoga iSamoa ma atunuu i fafo, ma toe iloilo faiga faavae mo a'oa'oga o loo mafai ona tuuina atu i tagata faigaluega.

Faatulagaga o le Faalapotopotoga

- *Faatonu o le Komiti Faatino talu mai le Aso 30 Iuni 2015:*
 - Leo'o Dr. John Tautalatasi Adam (Ta'ita'ifono)
 - Auelua Samuelu Enari (Sui Ta'ita'ifono)
 - Te'o Richard Faaiuso (Sui)
 - Lemalu Lafua (Sui)

- Afioga Su'a Donald Leumaga (Sui)
- Foma'i Lei Sam (Sui)
- Faafetai Alisi (Sui)

- *Pulega*

Na suia le Pulega i lenei perioti ina ua faamavae Malae'ulu Lose Niumata ina ua gasegase.

- Pule Sili: Muliagatele Makelita Matafeo
- Pule o Suesuega & Talosaga: Tauloa Lui Auvae
- Pule o le Una'ia o le Saogalemu ma le Toe-fa'aleleia: Ta'uo Mulifusi Togafau
- Pule o Tusi ma Tupe: Ulugia Peniamina Vitale
- Pule o Auaunaga Lautele: Ulugia Petelo Kavesi
- Su'etusi Faalotoifale: Peone Tutagalevao

2.4 Auaunaga i le Mamalu o le Atunuu

Auaunaga i le Mamalu o le Atunuu e afua atu i ona Matafaioi Autu


- Unaia o le saogalemu e ala i le lagolagoina o polokalame o loo aga'i tonu i le unaia o le atunuu ina ia faaitiitia faalavelave faafuase'i.
- Fesoasoani i le faalauiloa o le saogalemu e ala i Auaunaga Faatineimu, o le CT Scan mo le Auaunaga Faasoifua Maloloina, o masini e iloa ai le 'ava malosi i le mānava a le tagata, o masini e iloa ai le saosaoa o taavale, taavale mo le Matagaluega o Leoleo, o moli faailoilo mo magaala mo le Pulega o Felauaiga o le Laueleele.
- Vaavaia lelei o i latou ua aafia i manu'a tumau ina ia mautinoa lo latou mauaina o togafitiga ma le faaleleia i se taimi vave
- Tuuina atu tau mo tagata faigaluega ua aafia manua'aga mai faalavelave faafuase'i ma i latou sa faalagolago i le tausiga i se sa faigaluega ua maliu faafuase'i.

Auaunaga i le Mamalu o le Atunuu e fua mai i le Faafaigaluegaina o Aseta a le Faalapotopotoga

- O le Maketi i Fugalei o se tasi o Aseta a le Faalapotopotoga o loo faatau ai fua o Faatoaga mo tagata fai faatoaga, o tagata gaosi oloa taumafa ma oloa faatau ta'itasi, taaavale la'u pasese ma pasi, faleoloa ma auaunaga mo le mamalu o le atunuu.
- O le Maota o le Faalapotopotoga o lo o mafai ona lisiina atu mo le au faipisinisi e faia ai a latou fefaatauaiga.
- Tupe teu Faafaigaluega o loo tuuina atu i Fale-Tupe i totonu lava o Samoa, o lo o mafai ona fesoasoani mo le faatupula'ia o le tamaoaiga o le atunuu.

E avea ai lenei avanoa taua e avatu ai le faamalo i lē sa avea ma Pule Sili o lenei Faalapotopotoga, Afioga Malae'ulu Lose Niumata, ona o lana ta'ita'iga i tausaga e 19 sa avea ai ma Pule Sili i totonu o tausaga e 27 sa galue ai i lenei Faalapotopotoga. Ia faafo'isia e le Atua pulepule tetele lona malosi ina ia mafai ona toe auauna i lona finagalo e ala i nisi galuega tetele e faaogaina ai pea lona soifua auauna. Malo ma faafetai tele mo le tautua faamaoni.

E faafetaia ai foi le sao o le Komiti Faatonu i le mata'ituina o galuega fai a le Faalapotopotoga mo lenei tausaga faaletupe. E faapea foi ona faafetaia le Afioga i le Tama'ita'i Pule Sili ia Muli'agatele Makelita Matafeo mo galuega ausia o lona ulua'i tausaga lenei e tauaveina ai lea tulaga maua i tofiga a le Malo. E faapitoa foi se faafetai i le aufaigaluega a le Faalapotopotoga o Tau mo Faalavelave Faafuasei mo galuega o lenei tausaga faaletupe.


 Leo'o Dr. John Tautalatasi Adam
TAITAFONO

3.0 Ripoti a le Pule Sili



O le avea ai ma Pule Sili fou o le Faalapotopotoga, ua ofo atoa le auaunaga, ina ia mautinoa o lo'o gafatia e le polokalame mo faiga tau tau ona tuuina atu le lagolago i tagata faigaluega o lo'o manunu'a po ua maliliu, ma i latou o lo'o fa'alagolago i ia tagata (sa) faigaluega; ina ia fetauti lelei ma o latou manaoga a'o aga ai i le lumanai. O le manaoga fo'i ia te a'u, ia mautinoa ua iai se sao aoga i le fa'aititia o le numera ma le tugā o manu'aga, ia laugatasia ma mautu fo'i tulaga lelei mo tagata totogi lafoga; ma ia iai le talitonuga ma le lagolago o tatou tagata i le polokalame mo faiga tau tau.

O lenei auaunaga o lo'o ofoina atu, ua o gatasi ma le Va'aiga Taula'i a le Fa'alapotopotoga *"ia fai se polokalame fa'aaau pea mo faiga tau tau mo faalavelave faafuasei ma ia tali atu i mana'oga o i latou o lo'o fa'amanuina i le polokalame"*. O le Manulauti a le Fa'alapotopotoga *"ia fa'aititia a'afiaga tau va fealofa'i, tamaoaga ma le fa'aletino ona o faalavelave faafuasei"* o lo'o aafia i lalo o le Tulafono *"e ala i le fa'ateleina o fa'alauiloa mo le saogalemu; lagolagoina o auala mo le toe fa'aleleia o le soifua; e fesoasoani ai i tagata ia mafai ona toe faigaluega ma tali atu i talosaga mo tau i se taimi vave"*.

O lo'o fa'amauiina fo'i le lava o fa'aputugatupe mai lafoga, e pei o tupe maua mai tagata e ana Galuega ma Tagata Faigaluega fa'apea tupe maua mai penisini ma suauu mo auala o femalagaa'iga. O le auga lava ia gafatia i tupe faaalu i talosaga uma ua faamauiina i latou o lo'o manunu'a, maliliu ma faalagolago faatasi ai ma i latou i fa'alavelave tau auala o femalagaa'iga e fa'aaoga ai afi. O le vaaiga taula'i a le Faalapotopotoga e fa'atupe puipuiga o manu'aga o lo'o ala atu i le atina'eina o faiga pa'aga malosi ma mautu ma isi Faalapotopotoga e iai le Pulega o Felauaiga i le Laueleele ma le Pulega o Galuega Tinei Mu ma Faalavelave Tutupu Faafuasei e fausia taunu'uga manuia ma aoga tatau.

O le silasila i le lumana'i, e fia faamausaliina le faatuputupula'ia o tupe teu faafaigaluegaina aua le faatumauiina pea o pasene o lafoga o loo aoina mai tagata e ana galuega ma tagata faigaluega. O tupe teu faafaigaluegaina o loo si'itia pea le maua i luga ina ia mafai e nei tupe teu ona fesoasoani i lafoga aoina mai le afaigaluega ma i latou e ana galuega. O loo fia sailia foi ni metotia tau fesoataiga faatekonolosi ina ia mafai ona aoina mai lafoga mai e ana galuega i luga o upega tafa'ilagi faatasi ai ma le tuuina mai o ripoti o faalavelave faafuasei e tutupu mai i fale faigaluega aemaise le totogiina atu o tau. O loo iai foi le naunauta'iga ina ia faalatele le silafia ma le tomai o le afaigaluega i vaega eseese o le auaunaga.

E iai lo'u talitonuga o le a solo lelei le fa'atinoga o galuega toe faaleleia o le soifua a le Faalapotopotoga ina ia fesoasoani i tagata faigaluega ua manunu'a ia vave ona toe faigaluega, ma ia au'iluma fa'atinoga o galuega mo le vave toe faafoi o manu'aga ise lelei, auā le manuia o Samoa atoa aemaise le maua o se lumana'i saogalemu.

Muliagatele Makelita Matafeo

PULE SILI

3.1 Galuega o le Tausaga ua Faaiuina i le Aso 30 Iuni 2015

O lenei ripoti o loo amata mai i le aso 1 Iulai 2014 ae faa'iuina i le aso 30 Iuni 2015. O loo faamaopoopoina lenei repoti aga'i i vaega tetele o galuega faatinoina ia faigofie ona malamalama i ona itu uma i le faagaioioia atoa foi ma lona fa'atinoga.

3.1.1 Galuega Ausia:

Tau i o Faalavelave Faafuase'i

O faiga tau tau i lima ta'ita'iina lona fa'atinoga i le tuuina mai o se talosaga mo Tau i. Ua iai le vaega ua faapitoa mo le iloiloia o nei talosaga ma su'esu'ega, ma tuuina atu ripoti mo se tau i talafeagai e tataua ona agavaa iai le talosaga. E lua vaega ua vaevae ia i nei talosaga o Talosaga Faaauau poo talosaga Tuua, ma Talosaga Fou.

Talosaga Faaauau poo Talosaga Tuua

O Talosaga Faaauau poo Talosaga Tuua e le mafua i le tau i o le faatinoina o galuega a le Faalapotopotoga. Peita'i o mafuaaga ua taua i lalo:

- Latou na aafia ma o loo mana'omia togafitiga mo le umi e 12 masina pe sili atu.
- Latou o loo totogiina atu tau i fai vaiaso mo le umi e oo atu i le 5 tausaga
- Latou o loo faagaioiina tupe teu i faletupe a e sa faalagolago i le ua malia e tusa ma le 8 i le 15 tausaga.
- Latou o loo tuuina mo le toe faaleleia o manu'aga tumau e agavaa mo le umi se'iloga e toe faafo'isia le malosi i le tulaga sa iai muamua poo ina ua malia.

Talosaga Fou

O talosaga fou o talosaga ia sa tuuina mai i totonu o le tausaga faa-le-tupe lenei. E pei ona iai i le Fua Faasolo 1 o loo faailoa mai ai le 241 talosaga fou e tusa ma le 18.58% e maualalo ai pea faatusatusa i le tausaga ua tuana'i e 296.

Faavasegaina o Talosaga i Ituaiga Faalavelave

O le Fua Faasolo 1 o loo faamauiina e le Faalapotopotoga talosaga fou e 241 i le 2015, mai i lenei aofa'iga e 108 i latou sa manunu'a pe maliliu fo'i mafua mai i aafiaga o faalavelave tau galuega, 50 i latou na manunu'a mafua mai i le faaogaina o taavale afi, 25 sa aafia i manu'aga i tua atu o itula faigaluega o loo iai ma le toalua maliliu. E 46 talosaga o tagata faigaluega ua maliliu ae le'i aafia ini faalavelave faafuase'i.

O se vaaiga lelei o le maualalo o talosaga tuuina mai i faalavelave tau taavale i le 50 faatusa i le 114 sa iai i le 2014 e tusa ma le 56.14% ua maualalo ai. Peitai o lenei 50 e 18 i latou ua maliliu ona o le ogaoga o faalavelave tau taavale.

Fua Faasolo 1: Talosaga mo Tau i

Tausaga Faaletupe	Talosaga Aafia i Galuega	Talosaga Aafia i Taavale	Talosaga i Tua Atu o Taimi Faigaluega	Talosaga Tagata Faigaluega Maliliu	O isi Talosaga	Aofa'i o Talosaga
2015	108	50	25	46	12	241
2014	100	114	33	32	17	296
2013	112	106	39	51	11	319
2012	111	70	34	46	3	261
2011	139	87	26	25	10	287

3.1.2 Puipuiga o Faalavelave:


Saogalemu i Alatetele

O le tiute o le Faalapopototoga ia unaia le galulue faatasi ma isi Faalapopototoga ma le mamalu o le atunuu e faamuamua le saogalemu ma foia faalavelave e tutupu mai. O le faaitiitia o faalavelave e ono tutupu mai i luga o alatetele o loo galulue faatasi ai le Faalapopototoga ma le Matagaluega o Leoleo, Komiti Faatonu e Pulea Taavale-afi ma isi Matagaluega a le Malo i le faia lea o fonotaga tau saogalemu i luga o auala.

Faalavelave sa Faamauiina Tau Taavale Afi

E 42 faalavelave tau taavale afi na manunu'a ai le 50 ae 18 ua maliliu pe a faatusa i le 63 faalavelave o le tausaga na te'a nei na manunu'a ai tagata e 108 ma le 35 ua maliliu. E tusa lea ma le 33% ua tuuitiitia ai le aofai o faalavelave, 54% ua faaitiitia ai e manunu'a ae 48% ua itiiti ai e ua maliliu pe a faatusa i le tausaga ua tuana'i.


Ata 1



Saogalemu i Fale-Faigaluega

O loo galulue faatasi le Faalapopototoga ma le Matagaluega o Pisinisi, Alamanuia ma Leipa ma isi Faalapopototoga o loo latou faatauaina le saogalemu ma le soifua lelei i fale faigaluega. O loo faaauau ona faia faatalanoaga poo semina mo i latou e ona galuega ma tagata faigaluega e faamalamalama ai vaega o faiga tau tau ma faalauiloa atu iai fuainumera o faalavelave i taimi o galuega ma isi faamatalaga faapitoa e aoga mo le silafia ma a'oa'o mai ai.

Ata 2




Faalavelave sa Faamauina i Fale Faigaluega

O le Ata 2 o loo faailoa ai o le 108 o faalavelave tutupu i le tausaga lenei ua atagia ai se siitaga e 4.9%. E tusa ai ma le Fuafuaga Alualu Mamao a le Faalapotopotoga 2012-2016, e le'i ausia le 5% e tuuaititia ai le aofa'i o faalavelave.

Saogalemu o Tagata Faigaluega i Tua Atu o Itula Faigaluega:

Ua tuuaititia i le 10.7% ia faalavelave faafuasei ma manu'aga ma e 50% ua tuuaititia ai maluu e pei ona iai le manulauti a le Pulega ma ana faiga faavae faapea ana tiute ma matafaioi ausia. O le lua a'i lea o tausaga sosoo o alualu pea i lalo le tulaga o faalavelave faafuasei ma le aofai o tagata manunu'a e pei ona faaali atu i le Ata 3 talu.



3.2 Faatinoga o Tulaga Tau Tupe

3.2.1 Vaega o Tupe Maua

Lafoga:

O faiga tau tau o loo faaauauina pea ona faatupeina lona aotelega mai lafoga mai tagata e ona galuega ma tagata faigaluega ma se vaega laititi mai lafoga mai penisini o loo faaaogaina e fausaga faapitoa mo fela'uaiga.

Fua Faasolo 2: Faaalia ai le faatupulaia o Lafoga talu mai le 2011.

Tausaga Faaletupe	Lafoga tagata faigaluega ma e ana galuega (\$)	Lafoga i Penisini ma Suauu (\$)	Atoaga o Lafoga (\$)	Lafoga Aoina (%)	% o Suauu ma Penisinii le Aofai o Lafoga
FY 2015	9,542,848	690,660	10,233,508	4.61%	6.7%
FY 2014	9,254,000	529,000	9,783,000	2.28%	5.4%
FY 2013	8,924,000	641,000	9,565,000	6.18%	6.7%
FY 2012	8,395,000	613,000	9,008,000	0.45%	6.8%
FY 2011	8,356,000	612,000	8,968,000	7.40%	6.8%

O le Fua Faasolo 2 o loo faailoa atu ai lafoga mai le aufaigaluega ma e ana galuega o loo siitia talu mai le Tausaga e 2011. O lea siitaga o loo atagia ai le faatuputupula'ia o le aofai o tagata faigaluega e totogi a latou lafoga, o le siitaga foi lea o le tamaoaiga o Samoa.

Tupe Teu Faafaigaluega:

Ona o le uiga tumau o lenei Faalapotopotoga e le mafai ona faitaulia faalavelave tutupu faafuasei, o le ala teuina lea o tupe faasili aua lava se tupe maua e faagaga mo se faalavelave matu'i e tula'i

mai e ono toatele nisi e afaina ai. Ona o ia mafuaaga, e fua fo'i iai ituaiga faafaigaluegaina o tupe a le Faalaptopotoga e pei o se vaega tupe tele o loo faapena ona teu faafaigaluegaina mo vaitaimi pupuu ma faamanuiaga mautinoa, ma le faamoemoe o tupe maua mai nei teuga tupe e lava mo le faatupeina o soo se vaivaiga i tala faatatau o tupe faaletausaga ma fesoasoani i le faatumauina mo se vaitaimi umi o le mausali o tulaga tau tupe mo le faiga tau tau.

O le Fua Faasolo 3 o loo faaalai ai le faatupulaia o tului mai faletupe faapea le Faaputugatupe Teufaafaigaluega mo Mavaega Tausi ("UTOS") i tausaga taitasi mai le 2011-2015. E 5.31% o tupe toe faafo'i o lenei tausaga e sili atu pe a faatusa i le 2.4% o tului (interest market average) maua mai le Faletupe Tutotonu o Samoa, ona o le lelei o feutanaiga ma faletupe pe a oo ina faamuta aso o tupe teu faafaigaluega.

Fua Faasolo 3: Tupe Teu ma Tului Maua mo le Tausaga 2015

Tausaga Faaletupe	Teuga Tupe ma Tupe Faamau	% o le Faatupulaia o Teugatupe	Tupe Maua mai Tului	% o Tupe Faafo'i
2015	\$79.00m	9.72%	4.01m	5.31%
2014	\$72.00m	9.42%	3.88m	5.63%
2013	\$65.80m	16.87%	2.82m	4.62%
2012	\$56.30m	0.54%	2.42m	4.31%
2011	\$56.00m	21.47%	2.07m	4.05%

E pei ona faaalai i le Fua Faasolo 3, o loo iai le siitaga i tupe teu mo le tala faaletupe 2015 e \$7 miliona pe 9.7% faatusa i le tausaga ua tuana'i. O lenei siitaga na mafua i tupe faasili sa teu i faletupe eseese i Samoa ma le UTOS.

3.2.2 Tupe Faaalu

Tau ma Faalauiloa:

O le tupe mo tau totogi ma le faalauiloina o le saogalemu o matafaioi mausali na a le Faalapotopotoga. E le mafai ona taumateina faalavelave tutupu, o le ala foi lena e faaeteete ai ma tuu ese se vaega tupe faaleoleo aua lava faalavelave tetele e tutupu faafuasei.

Fua Faasolo 4: Tupe Faaalu i Tau ma isi Faamanuiaga 2011 - 2015

Tausaga Faaletupe	Tupe Alu i Totogi ua le Maua	Tupe Alu i Malu	Tupe Alu i Manu'aga Tumau	Tupe Alu i Foma'i	Faalauiloa o le Saogalemu ma le Toe Faaleleia	Aofai Atoa
2015	264,967	644,114	9,694	42,341	239,109	1,200,225
2014	264,637	1,086,780	20,281	67,151	26,475	1,465,325
2013	437,965	676,520	158,288	64,073	37,820	1,374,666
2012	231,905	994,784	47,234	57,877	14,808	1,346,608
2011	264,200	707,800	113,800	67,400	10,700	1,163,900

O le faalauiloina o le saogalemu o loo fuafuaina iai le tupe faaalu faatapulaa e \$0.5 miliona i tausaga uma. Peitai e iai faiga faavae e ao ona usita'ia e Ofisa, Faalapotopotoga ma Matagaluega o loo tuuina atu iai lenei fesoasoani tau tupe e pei o le Auaunaga Faa Tinei Mu, o le Komiti Faatino o le Saogalemu a Samoa ma nisi.

E pei ona faailoa atu i le Fua Faasolo 4 i luga, ua faaitiitia tau totogi atu i soo se vaega aemaise i malu. O tau totogi atu mo malu e iai tau totogi atoa, o le fesoasoani mo le falelauasiga, o le tau totogi i tagata sa faalagolago i le ua malu, ma tau mo tagata fai saofaga ua maliliu i gasegase faalenatura.

Tau mo Auaunaga Lautele

O le auililiga o loo i le Fua Faasolo 5 o loo atagia ai le faaitiitia o le pasene o tupe alu i le totogi atu o tau talafeagai i talosaga ma le faalauiloina o le saogalemu e 44% i le 2014 ae 31% i le 2015. E atagia mai ai ii le faigata lea ona ta mau se fuainumera poo se aofai o se tupe alu i tausaga ta'itasi i

faalavelave tutupu. Peitai, e mafai e le Faalapotopotoga ona fuafua le tupe faaalu i auaunaga lautele e pei ona iai fuafuaga i tupe faaalu ua ma'ea tuuina mai mo auaunaga eseese.

Fua Faasolo 5: % o Tau Aofai mo Tau, Saogalemu ma Auaunaga Lautele)

Tausaga Faaletupe	Suesuega ma Talosaga	Saogalemu ma le Toe Faaleleia	Auaunaga Lautele	Aofaiga Atoa	Talosaga&Saoga lemu o se % i le Tau Aofai	Suiga i le Tau o Auaunaga Lautele
2015	961,116	239,109	2,631,225	3,831,450	31.3%	42.2%
2014	1,439,280	26,045	1,849,835	3,315,160	44.2%	-21.7%
2013	1,374,666	29,222	2,361,843	3,765,731	37.0%	-50.0%
2012	1,346,607	105,662	4,728,180	6,180,449	23.5%	123.2%
2011	1,163,865	146,393	2,118,466	3,428,724	38.2%	18.9%

O le maua luga ai o tupe faaalu i auaunaga lautele i le 2015 faatusa i le 2014 ona o le siitaga i le aofai o tagata faigaluega, o totogi fesiita'i, o le tuuina atu o tupe mo i latou ua faamavae faapea tupe alu mo i latou ua ausia tausaga malolo. E tele foi tupe alu i le totogiina o pili a loia sa gafa ma feutanaiga i le fausia o le maketii Fugalei faapea le fausia o le Maota o le Komesina Samoa i Canberra, Ausetalia.

3.3 Lu'itau sa Feagai ma le Galuega

Talosaga mo Faiga Tau

- Ua faatupulaia le tele o faalavelave faafuase'i e tuai ona ripotia mai e tagata e ana galuega faapea le Matagaleuga o Leoleo. Ua avea lea ma mea e faatuai ai foi ona faagaoioi talosaga a i latou sa aafia i faalavelave faafuase'i. E ao ona silafia e tataua ona faaoo mai ripoti o faalavelave tutupu i totonu o le lima (5) aso talu ona tupu le faalavelave.
- E tuai foi ona oo mai pepa o faamatalaga manaomia mo le fagaioiina o talosaga mai foma'i, le Matagaluega o Leoleo ma fale faigaluega ma tuai faagaoioi ai talosaga i totonu o le tolu aso.
- O le fesuisuia'i o tagata e vaaia le fanau sa faalagolago i o latou matua ua maliliu mai faalavelave faafuase'i o se tasi lea o lu'itau o loo feagai ma le Faalapotopotoga.
- O le faatuputupula'ia o tagata e totogi atu tau i faletupe, o le faatuputupula'ia foi lea o asiasiga e aga'i ai le afaigaluega i tua e asia nei tagata ma o latou gasegase tumau poo faasolosolo ina lelei.

Faalauiloa o le Saogalemu ma le Toe Faaleleia

- O le fesoasoani o loo tuuina atu i Faalapotopotoga mo le faalauiloina o le saogalemu i auala, o fale faigaluega ma tua atu o itula faigaluega e ao ona mata'ituina pea lo latou fa'atinoga e tusa ai ma le autu o lenei auaunaga
- O le faalauiloa o polokalame tau faaleleia o itutino o tagata manunu'a ina ia vave toe faafoi so latou malosi e le o atoatoa ona lelei i le taimi nei. Peita'i o le a galulue so'oso'o taua'u pea le Faalapotopotoga ma ana paaga totino ina ia faaleleia atili lenei auaunaga.

O Faalavelave Tutupu ma Tupe Teu

- O faalavelave faalenatura e ao ai ona nofo mataala le Faalapotopotoga ona e le gata i soifua o le mamalu o le atunuu, ae faapea ana aseta ma meatotino mai afi, o afāma galulolo.
- O le faatupula'ia o tupe maua a le Faalapotopotoga o loo mata'ituina ai gaioiga a Faletupe o loo i totonu o le atunuu. O le faataueseina atu o le Westpac Bank o se vaaiga faigata lea ona o se lu'itau matuiā pe afai e le mata'ituina faamatalaga tuuina mai le Faletupe Tutotonu o Samoa aua le lumana'i o Faletupe eseese o loo teuina ai tupe mo le faamoemoe o lenei Faalapotopotoga ma ana Tulafono.
- O le tele o lafoga lē totogiina mai tagata e ana galuega o se tasi lea o lu'itau o loo gafa ma le Faalapotopotoga. Peita'i, o le a uia ala o le tulafono ma le faamasinoga mo le totogiina mai o nei lafoga tuua.

.....